

Mirza Čelik  
zastupnik u Skupštini Kantona Sarajevo

**SKUPŠTINA KANTONA SARAJEVO**  
**n/r Predsjedavajućeg**

**MINISTARSTVO KULTURE I SPORTA**  
**KANTONA SARAJEVO**  
**n/r Ministra**

PREDMET: Zastupnička inicijativa

Poštovani,

Upućujem inicijativu Ministarstvu kulture i sporta Kantona Sarajevo koja se odnosi na uvrštavanje Udruženja građana "Princess krofne" u budžet.

Obrazloženje:

Gore navedeno Udruženje je 2009.g.zaključilo Sporazum o saradnji na provođenju javnog interesa u oblasti dječjeg i muzičkog kulturnog stvaralaštva sa resornim ministarstvom, u okviru kojeg je imalo stalni izvor finansiranja za svoje aktivnosti.

Smatram da je potrebno sarajevskom dječijem horu „Princess krofne“ vratiti poziciju koju je 2009 i 2010 imalo kao udruženje od javnog interesa, na godišnjem nivou u iznosu od 60.000 KM.

Na taj način bi se omogućilo njegovo normalno funkcioniranje, obzirom da svojim djelovanjem podstiču druženja djece i mladih, kako u procesu sticanja osnova muzičke kulture, tako i socijalne etike.

Tražim da se o ovoj inicijativi izjasni Skupština zaključkom.

Zastupnik

Mirza Čelik



Sarajevo, 28.09.2020.godina



Sarajevo, 24.02.2020

**BOSNA I HERCEGOVINA**  
FEDERACIJA BIH  
KANTON SARAJEVO  
**SKUPŠTINA KANTONA SARAJEVO**  
n/r g. Mirza Čelik , predsjedavajući

**Naš znak: PK- PK-0035/20**

**PREDMET: INCIJATIVA ZA PODRŠKU OBNOVI SARADNJE NA PROVOĐENJU JAVNOG INTERESA U OBLASTI DJEČIJEG I MUZIČKOG KULTURNOG STVARALAŠTVA IZMEĐU MINISTARSTVA KULTURE I SPORTA KANTONA SARAJEVO I UDRUŽENJA SARAJEVSKOG DJEČIJEG HORA „PRINCESS KROFNE“ (BROJ 12 14-5590/9) IZ MARTA 2009.**

Poštovani g. Čelik,

Sarajevski dječiji hor „PRINCESS KROFNE „ u kontinuitetu djeluje i radi 27 godina tokom kojeg je kroz hor prošlo više od 6000 djece i mladih. Iza nas su brojni Festivali , koncerti, CD-ovi, video spotovi i mnogo radosti i druženja divnih mladih ljudi koji su u tom procesu učili osnove muzičke kulture ali i ukupnu socijalnu etiku.


U našoj predhodnoj direktnoj komunikaciji, zajedno smo potvrdili spremnost da sarajevski dječiji hor „Princess krofne“ vrati poziciju koju je 2009 i 2010 imao u okviru ministarstva kulture i sporta Kantona Sarajevo kao udruženje od javnog interesa. Namjera je sa Kanton Sarajevo putem Ministarstva kulture i sporta uvrsti hor na redovan budžet te omogućujući njegovo normalno funkcioniranje njegovim pozicioniranjem kao hora od javnog kantonalnog interesa.

Potrebno nam je da znate da smo i u dosada vrlo nesređenim i povremenim mogućnostima finansiranja samo u 2019. uradili dvije kapitalne stvari za dječiju muzičku kreativnost – vratili dječiji festival autorske pjesme (koji je odmah postao regionalan) pod naslovom „Djeca su vojska najjača“ te uradila autorski projekt Bojana Zeca Filipovića i Zlaje Bostandžića pod imenom „Sve naše ljubavi“ a što predstavlja prvi inkluzivni CD dječijih autorskih pjesama koji su kao jedan hor pjevala „tipična“ i „atipična“ djeca – „Princess Krofne sa svojim gostima“.

Tokom ove godine snimili smo pjesmu „Srebrna jutra za bolje sutra“ kao naš hommage 25 godišnjici komemoracije genocida nad Bošnjacima UN zaštićene zone Srebrenice, te održali 2. Međunarodni festival „Djeca su vojska najjača“ u on line formatu.

Uvjeren da bi sa realizacijom ove incijative „Princess krofne“ bile u poziciji da rade još bolje i više i osiguraju da Sarajevo ima najbolji dječiji hor u regionu te postižu još veće, bolje i vidljivije projektne aktivnosti hora.

S poštovanjem,

  
Zlatko Bostandžić 062 122427  
Umjetnički rukovodilac hora



UDRUŽENJE GRAĐANA "PRINCESS KROFNE", Grbavička 127a, 71000 Sarajevo,

RAIFFEISEN BANK DD, BiH / TRN: 1610000018720041

tel/fax: 062/122-427; 061/211-918;

email:dhprincesskrofne@gmail.com

U skladu odredbana Zakona o ministarstvima Kantona Sarajevo „Sl.novine Kantona Sarajevo“, br. 4/01,13/02,16/03 i 26/04), a u vezi člana 36. Zakona o pozorišnoj djelatnosti („Službene novine Kantona Sarajevo“, br. 14/00 i 25/06)

1. Ministarstvo kulture i sporta Kantona Sarajevo, ul. Reisa Džemaludina Čauševića br. 1, Sarajevo, (u daljem tekstu: Ministarstvo) koje zastupa Emir Hadžihafizbegović, ministar kulture i sporta,

i

2. Udruženje – Sarajevski dječiji hor „PRINCESS KROFNE“ koji zastupa generalni sekretar Zlatko Bostandžić (u daljem tekstu: UG Sarajevski dječiji hor „Princess krofne“),

dana \_\_.03.2009. godine zaključili su:

## SPORAZUM

o saradnji na provođenju javnog interesa  
u oblasti dječijeg i muzičkog kulturnog stvaralaštva

### I

Ovaj Sporazum zaključuje se u cilju obezbjeđenja javnog interesa u oblasti dječijeg muzičkog i kulturnog stvaralaštva u Kantonu Sarajevu i obezbjeđenju besplatnog učlanjenja 70 /sedamdeset/ najtalentovanijih članova u UG Sarajevski dječiji hor „Princess krofne“.

### II

Javni interes u oblasti dječijeg muzičkog i kulturnog stvaralaštva u Kantonu Sarajevo UG Sarajevski dječiji hor „Princess krofne“ obezbijedio je dosadašnjim rezultatima na polju rada Dječijeg hora i nastupima u Kantonu Sarajevo i izvan granica naše zemlje.

UG Sarajevski dječiji hor „Princess krofne“ egzistira već 16 godina kao ambasador dječijeg muzičkog stvaralaštva.

Scenskim nastupima i originalnim repertoarom, koji obuhvata autorske kompozicije i tradicionalne bosanskohercegovačke pjesme UG Sarajevski dječiji hor „Princess krofne“ postao je temeljnim znakom dječijeg muzičkog stvaralaštva u Kantonu Sarajevo.

U proteklih 16 godina Dječiji hor „Princess krofne“ ustrajno je i profesionalno radio, odgajajući generacije mladih. Kroz vaspitno-obrazovni nastavni rad sa djecom od 4 do 15 godina, pravilnim psihičkim i fizičkim razvojem djece kroz muziku koja uvijek pruža relaksirajuću atmosferu, njegovanje muzičke kulturne baštine BiH, predstavljanje dječijeg muzičkog stvaralaštva na festivalima u BiH i međunarodnim festivalima, pomoć roditeljima u odgoju i usmjeravanju djece, organizaciji muzičkih festivala UG Sarajevski dječiji hor „Princess krofne“ je u proteklom periodu okupio preko 1.500 djece sa kojima je gostovao na devet međunarodnih festivala dječijeg

stvaralaštva, a iz bogatog repertoara izdato je pet audio i video kasete ili CD-a. Hor je učestvovao i u multimedijalnim projektima sa 14 video spotova i spotom o dječijim pravima.

Ovaj ansambl je redovni učesnik na svim kulturnim manifestacijama od interesa za Kanton Sarajevo.

### III

Potpisnici ovoga Sporazuma saglasni su da sistemsko finansiranje UG Sarajevski dječiji hor „Princess krofne“ ni do danas nije riješeno tako da se rad ovog hora isključivo odvija putem finansiranja od članarina i donacija, a samo manji dio iz grantova vladinih organizacija.

U pokriću dijelu troškova za rad UG Sarajevski dječiji hor „Princess krofne“ na godišnjem nivou učestvuje i Ministarstvo kulture i sporta Kantona Sarajevo u okviru tekućeg granta namijenjenog udruženjima građana u oblasti kulture i sporta.

### IV

Potpisnici ovog Sporazuma saglasni su da Ministarstvo kulture i sporta Kantona Sarajevo preuzme obavezu finansiranja godišnje članarine za 70 talentovane djece od 4 do 15 godina koji će raditi u Dječijem horu UG Sarajevski dječiji hor „Princes krofne“, a koja za 2009. godinu iznosi 300 KM po jednom djetetu.

Ministarstvo će UG Sarajevski dječiji hor „Princess krofne“ na ime članarine koju su do sada plaćali roditelji djece, uplatiti 21.000 KM.

UG Sarajevski dječiji hor „Princess krofne“ će Ministarstvu kulture i sporta Kantona Sarajevo dostaviti kompletan spisak članova Hora za koje je plaćena članarina.

### V

Potpisnici ovog Sporazuma saglasni su da će UG Dječiji hor „Princess krofne“ nastaviti svoj aktivan odnos prema najmladjoj populaciji Kantona Sarajevo i učestvovati u svim javnim kulturnim manifestacijama od interesa za Kanton Sarajevo, te na najbolji način prezentirati dječije muzičko stvaralaštvo na domaćim i međunarodnim dječijim muzičkim smotrama, a što će se regulisati aneksima ovog Sporazuma.

### VI


Ovaj Sporazum sačinjen je u četiri istovjetna primjerka, od kojih svaki ima vrijednost izvornika. Svaka strana potpisnica zadržava po dva primjerka Sporazuma.

U Sarajevu, \_\_. marta 2009. godine

Generalni sekretar  
UG PRINCESS KROFNE

  
Zlatko Bostandžić

Broj: PK. 020 /09



MINISTAR  
kulture i sporta

  
Emir Hadžihafizbegović

Broj: 12-14-5590/09